

## **Universitätsbibliothek Paderborn**

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolae per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Med. III. De tertio actu caritatis divinæ, nempe de conformitate voluntatis  
humanæ cum divina.

[urn:nbn:de:hbz:466:1-48834](#)

certantium, immo & Filiorum scutuli ob spem minoris longe præmij similes Victorias reportantium. potuerunt ergo mihi, & istæ, & tu non poteris? An non ergo dices tandem cum Davide Psal. 17. Persequar Inimicos meos, & compræ-  
lendam eos, & non convertar, donec deficiant.

Pro IV. Die,

M E D I T A T I O II.

DE TERTIO ACTU CHARITATIS DIVINÆ,  
NEMPE DE CONFORMATIONE VOLUNTATIS  
SVAE CVM DIVINA.

Punctum I.

Considera I. Inter alios effectus amoris primarium ferè esse, quod unit amantem cum amato, hanc autem unionem portissimum consistere in ipsorum voluntatum coniunctione, ut scilicet idem velint, ac nolint.

Considera II. In quo consistat perfecta conformatio voluntatis tuæ cum divina, nimis hoc, ut omne id, quod DEUS circa te vel alios ordinaverit, non modò per intellectum comprobes, sed etiam per voluntatem cum gudio appetiis, & per potentias reliquas non minori industria atque alacritate exequaris, quam si à teipso juxta summam appetitus tui inclinationem fuisset electum. Hoc ipsum paulò alijs verbis expressit Thomas Kemp. l. 3. c. 25. dum dixit, perfectionem hominis, & per consequens etiam perfectam voluntatum & animarum unionem consistere, in offerendo te ex toto corde tuo voluntati divinæ, non querendo, quæ tua sunt, nec in parvo, nec in magno, nec in tempore, nec in æternitate, ita ut una æquali facie in gratiarum actione permaneas, inter prospera & contraria, omnia æqua lance penfando.

Considera III. Quam longè hactenus ab hac perfectione absueris, atque adeo merito illam increpationem Christi apud Thom. Kemp. l. 3. c. 11. audire merueris: *Fili, oportet te adhuc multa discere, quæ nequum bene didicisti. Quæ sunt hac, Domine? ut desiderium tuum ponas totaliter se-*

Q 5

cundum

cundum beneplacitum meum, & tui ipsius amator noster  
sed mea voluntatis cupidus emulator.

Vide ergo, quomodo deinceps hac in parte te gerere velis.  
Colloquium ad SS. Patronos.

## Punctum II.

Considera I. Quanto studio ac desiderio te huic exercitii conformatio[n]is, voluntatis tuæ cum divina impendere debes, idque ob tres maximè causas, quarum prima est, desiderium & quasi voluptas DEI, quam ex tali exercitio capiam de te ad suos Sanctos quodammodo dicet, quod olim S. Davide dixit: *Inveni virum secundum cor meum, qui perficiat omnes voluntates meas.* Secunda est, proximi utilitas cui per nullum aliud exercitium magis prodesse potes; non sicut ille Rusticus, qui omnem tempestatem de manu DEI benevolè accepit, semper habuit fruges optimas (uti in Vita PP. refertur) ita & Religiosus ille felicissimum semper successum operum suorum sperare poterit, qui in omnibus officiis, eorumque administratione suam voluntatem divinogenitus conformat: hoc enim est, quod Christus ipse apud Joannem c. 15. dixit: *Qui manet in me, & ego in eo (per voluntatum unionem) hic fert fructum multum.* Tercia est, summa pax & tranquillitas, quam in hac & altera vita percipies; *Quid enim magis in hac vita sperare, aut optare potes, quam ut omnia tibi ad votum succedant?* atque hoc obtinebis per dictum exercitium, unde merito S. Catharini Senensis dixit, *talem hominem esse similem Christo Salvatori, qui etiam in hac vita Beatitudinem percepit.*

Considera II. Cum nemo in hac Vita aliud magis optet, aut optare prudentius possit, quam Beatitudinem huic statuerit convenientem, quam imprudenter hactenus feceris, dum per longas ambages, difficilesque vias beatitudinem vacam & falsam in rerum creatarum amore, & Voluntatis propria executione Quæsivisti, cum tamen veram, solidamque Beatitudinem viam tam compendiosâ facilique reperire potuisse.

Considera III. Quomodo vel nunc à priori via discedere, atque ad hanc percurrendam toto animi conatu convertere velis. Colloquium ad B. V.

## Punctum III.

Considera I. Quæ subsidia præ cæteris conducant, ad Voluntatem tuam cum Divina perfectissimè uniendam; ea jam pridem Servator ipse Catharinæ Senensi indicavit, dum præcepit, ut primò quidem firmissimè crederet, DEUM summè potentem esse, adeòque nihil in hoc Mundo sine ejus voluntate accidere posse: Deinde ut pariter crederet, eundem DEUM summè sapientem esse, atque adeò scire id, quod evenire hominibus permittit, in eorum bonum convertere: Denique ut non minùs crederet DEUM etiam summè bonum esse, adeòque non tantum posse, & scire, sed etiam velle, omnia in Electorum suorum utilitatem ordinare.

Considera II. Quàm solida & efficacia meritò censeantur hæc media, sive ipse eorum Author consideretur, sive eorum aptiudo ad finem prædictum spectetur, cùm planè imprudensissimum esse hominem illum oporteat, qui firmiter tres illas DEI perfectiones, potentiam scilicet, sapientiam & bonitatem apprehendens, & credens, etiamnum tergiversaretur in omnibus eventibus suam Voluntatem Divinæ conformatre.

Considera III. Quomodo tu deinceps his mediis uti velis, & cum S. Davide exclamare: Unam petij à Domino, hanc requiram, ut inhabitem in domo Domini, omnibus diebus Vite meæ, ut videam voluntatem Domini, & visitem templum sanctum ejus. Ps. 26. Colloquium ad Christum.

Pro V. Die.

## M E D I T A T I O I .

D E C H A R I T A T E E R G A D O -  
M E S T I C O S .

Tessera.

Hoc est præceptum meum, ut diligatis invicem, sicut ego dilexi vos. Joan. 15.

## Punctum I.

Considera I. Quod à S. Joanne i.c.4. dictum sit: hoc mandatum habemus à DEO, ut, qui diligit DEUM, diligit & Fratrem